

ՀՀ և միջազգային շուկաներում ներդրումային ծառայությունների տեղեկատվական ամփոփագիր

1. Ներդրումային ծառայություն մատուցող անձի անվանումը և կապի միջոցները

- Լրիվ անվանումը՝ «Կոնվերս բանկ» փակ բաժնետիրական ընկերություն /այսուհետ Բանկ/
- Հասցե՝ ՀՀ, ք. Երևան, Վազգեն Սարգսյան 26/1
- Հեռախոսահամար՝ +374 10 511 211 ներքին 2163, +374 10 511 206
- Ինտերնետային կայք՝ www.conversebank.am
- Էլեկտրոնային հասցե՝ investments@conversebank.am, dealingcentre@conversebank.am
- Բանկը համաձայն «Բանկերի և բանկային գործունեության մասին» ՀՀ օրենքի իրավասու է մատուցել ներդրումային հիմնական և ոչ հիմնական ծառայություններ՝ համաձայն «Արժեթղթերի շուկայի մասին» ՀՀ օրենքի

2. Ընդհանուր դրույթներ

Սույն փաստաթղթի պայմանները կազմում են Պայմանագրի անբաժանելի մասը: Պայմանների փոփոխությունները/լրացումները կատարվում են Բանկի կողմից, Ներդրողին այդ փոփոխություններն ուժի մեջ մտնելուց առնվազն տասն աշխատանքային օր առաջ ծանուցելու պայմանով:

Եթե սույն փաստաթղթի և Պայմանագրի դրույթներում առկա է հակասություն, գերակայում է Պայմանագրի համապատասխան դրույթը:

3. Ներդրումային ծառայության ոլորտում Բանկն իրականացնում է՝

- Ներդրողներից արժեթղթերով գործարքների կատարման հանձնարարականների ընդունում և հաղորդում;
- իր կամ Ներդրողի անունից և Ներդրողի հաշվին արժեթղթերով գործարքների իրականացում ՀՀ կարգավորվող և չկարգավորվող, ինչպես նաև միջազգային ֆինանսական շուկաներում;
- արժեթղթերում ներդրումների հետ կապված խորհրդատվության տրամադրում;
- արժեթղթերի փաթեթի կառավարում;
- արժեթղթերի երաշխավորված տեղաբաշխման իրականացում;
- արժեթղթերի չերաշխավորված տեղաբաշխման իրականացում;

4. Ներդրումային ծառայությունների հետ կապված հնարավոր ռիսկեր

Ֆինանսական գործիքներով իրականացվող գործառնությունները կապված են որոշակի ռիսկերի հետ: Ներդրողը, մինչև ներդրում կատարելու մասին որոշում ընդունելը, պետք է շրջահայաց լինի և հաշվի առնի ստորև բերված ռիսկերը, ինչպես նաև իր փորձը, նպատակները, ֆինանսական ռեսուրսները, ռիսկի ախորժակը և եկամտի սպասումները:

Ներկայացված ռիսկերից յուրաքանչյուրը կամ դրանցից մի քանիսը կարող են բացասաբար անդրադառնալ շուկայում տիրող իրավիճակի վրա և բերել ակտիվների գնի կամ իրացվելիության անկման: Նշվածի արդյունքում Ներդրողը կարող է կորցնել ներդրված գումարը կամ դրա մի մասը:

Ռիսկի ստանձնումը ֆինանսական գործունեության անբաժանելի մասն է ու հետևանքը, և ներդրողը պետք է հաշվի առնի, որ ներդրումները ենթակա են որոշակի ռիսկերի, որոնք կապված են ոչ միայն Թողարկողի ֆինանսատնտեսական վիճակի և գործունեության արդյունքի (Թողարկողի ռիսկ), այլ նաև ֆինանսական շուկայում տիրող իրավիճակի (շուկայական ռիսկ) հետ: Ներդրողը պետք է գիտակցի, որ ստորև բերված ոչ բոլոր ռիսկերն են, որ երբևէ կարող են ի հայտ գալ: Ենթադրաբար, կարող են լինել լրացուցիչ ռիսկեր, որոնք Բանկն այժմ չի համարում էական կամ որոնք ներկայումս հայտնի չեն, և ցանկացած այդպիսի ռիսկ կարող է թողնել վերևում նշված ազդեցությունն ու հետևանքը:

Ներդրողը ներդրում կատարելու մասին որոշում ընդունելու համար պետք է մանրամասն ուսումնասիրի սույն փաստաթղթում ներկայացված ռիսկերն ու այլ տեղեկատվությունը:

Ներդրողները նաև պետք է խորհրդակցեն իրենց իրավաբանների հետ՝ պարզելու համար, թե արդյո՞ք կատարվող ներդրումը հանդիսանում է իրավաբանորեն թույլատրելի ներդրում, և որ դեպք/եր/ում ներդրումները կարող են օգտագործվել որպես գրավի առարկա զանազան փոխառությունների համար:

Ներդրողը ներդրում կատարելուց առնչվում է հետևյալ ռիսկերին՝

- Շուկայական ռիսկ՝ կապված շուկայական փոփոխականների (տոկոսադրույք, արտարժույթ, գին) կտրուկ տատանումների հետ, որոնք բավական հաճախ են տեղի ունենում ֆինանսական շուկաներում և չեն գտնվում Բանկի հսկողության տակ, կարող են գործել ինչպես ի օգուտ, այնպես էլ ի վնաս Ներդրողի:
- Ռիսկ, անմիջականորեն կապված երկրի սոցիալ-տնտեսական զարգացվածության մակարդակի հետ, համաշխարհային տնտեսական համակարգում երկրի տեղից և դերից, ինչպես նաև տիրող քաղաքական իրավիճակից, ինչը կարող է ազդել թողարկողի ֆինանսական վիճակի վրա, որն էլ իր հերթին կարող է բերել Ներդրողի ակտիվների կորուստի:
- Իրացվելիության ռիսկը կարող է առաջանալ շուկայական իրավիճակի կտրուկ փոփոխության կամ Թողարկողի ֆինանսական վիճակի վատթարացման արդյունքում. Բանկն ի վիճակի չի լինի շուկայում իրացնել Ներդրողի ակտիվները ցանկալի ծավալի չափով կամ ստիպված կլինի վաճառել ավելի ցածր գնով, ինչը կապված է Ներդրողի գործիքի նկատմամբ պահանջարկի նվազման հետ:
- Օրենսդրական փոփոխությունների ռիսկը պետական իշխանության, շուկաները կարգավորող մարմինների գործունեության, դատական, բանկային և արժեթղթերի շուկան կարգավորող օրենսդրության փոփոխության հետևանքով էական վնաս կրելու հավանականությունն է:
- Ինֆլյացիոն ռիսկը կորստի հավանականությունն է, որն առաջանում է ակտիվի կամ եկամտի նվազմամբ ներքին արժույթի արժեզրկման ապա նաև գնաճի կտրուկ աճի արդյունքում: Այլ կերպ ասած՝ ապագա գնաճը կբերի դրամական հոսքերի գնողունակության անկման: Գնաճի առկայության պայմաններում ներդրողները պետք

է հաշվի առնեն, որ իրենց կողմից ստացվելիք իրական եկամտաբերությունը կարող է ավելի ցածր լինել (գնաճի չափով), քան Թողարկողի կողմից առաջարկվող անվանական եկամտաբերությունը;

- Գործառնական ռիսկեր՝ կապած համակարգի անսարքության, խափանման, անվտանգության հետ;

5. Արժեթղթերի տեսակները, որոնցում կարող են ներդրվել Ներդրողի միջոցները, ինչպես նաև ընդհանրական տեղեկություններ այդ արժեթղթերի և նրանց հետ կապված ռիսկերի մասին

Գործարքներն իրականացվում են ստորև ներկայացված հիմնական և ածանցյալ ֆինանսական գործիքներով.

- Բաժնետոմսեր,
- պարտատոմսեր, մուրհակներ,
- օպցիոններ,
- ֆյուչերսներ, ֆորվարդներ,
- ներդրումային հիմնադրամների արժեթղթեր և նմանատիպ ածանցյալ արժեթղթեր,
- պետական և համայնքային պարտատոմսեր,
- արժույթային պայմանագրեր և նմանատիպ ածանցյալ արժեթղթեր,
- այլ գործիքներ:

Բաժնետոմսը սահմանված ձևի և բովանդակության գրավոր փաստաթուղթ է, որը վկայում է բաժնետիրական ընկերության կապիտալում որոշակի մասնաբաժին ներդնելու մասին:

Բաժնային արժեթղթերից (օրինակ՝ սովորական բաժնետոմսերից) ակնկալվող եկամտաբերությունը զգալիորեն ավելի բարձր է, բայց այդ եկամտաբերությունը դրսևորում է բարձր տատանողականություն տարբեր ժամանակահատվածներում: Նպատակահարմար է երկարաժամկետ ներդրումային հորիզոնի համար:

Պարտատոմսը պարտքային պարտավորվածություն է սահմանված ժամկետը լրանալուց հետո ներդրված դրամական միջոցների վերադարձմամբ, որոշակի եկամտի վճարմամբ:

Պատմականորեն տոկոսային եկամուտ բերող արժեթղթերի (օրինակ՝ պարտատոմսերի) հիմնական առավելությունը ներդրվող կապիտալի համեմատական կայունությունն է, որն ապահովվում է կապիտալի երկարաժամկետ իրական աճի ավելի ցածր հնարավորությունների գնով՝ պայմանավորված նման արժեթղթերի ինֆլյացիոն խոցելիությամբ:

Ածանցյալ արժեթղթերը և ապրանքային ֆյուչերսները համարվում են առավել ռիսկային՝ որպես առանձին ակտիվների կատեգորիա: Այնուամենայնիվ, դրանք ապահովում են հեջավորման և դիվերսիֆիկացիայի հնարավորություններ՝ պարտատոմսերի և բաժնետոմսերի հետ համախմբելու դեպքում:

Ֆյուչերս՝ երկու կողմերի միջև համաձայնություն է, պայմանագրի հիմքում ընկած ակտիվը ապագայում գնելու կամ վաճառելու վերաբերյալ, նախօրոք համաձայնեցված ծավալով և գնով: Կարճաժամկետ հորիզոնում սովյալ գործիքում ներդրումը պարունակում է իր մեջ մեծ գումար կորցնելու հավանականություն:

Օպցիոն՝ պայմանագիր, երբ ներդրողը ստանում է իրավունք (ոչ պարտավորություն) գնել կամ վաճառել պայմանագրի հիմքում ընկած ակտիվը որոշակի պարզևավճարի դիմաց: Օպցիոնը հնարավորություն է տալիս հեջավորել ակտիվի գնի տատանումների հետ կապված ռիսկերը:

6. Մատուցվող ծառայություններից օգտվելու միջնորդավճարներ

Միջնորդավճարները ներկայացված են [«Ներդրումային ծառայությունների մատուցման սակագներ և դրույքներ»](#) ցանկում:

Միջնորդավճարները գանձվում են Ներդրողի հաշվից ֆինանսական գործարքն իրականացնելու պահին՝ անմիջապես:

7. Շահերի բախման կանխարգելմանն ուղղված քաղաքականության վերաբերյալ

Շահերի բախման կանխարգելման քաղաքականությունը ներկայացված է «Կոնվերս Բանկ» ՓԲԸ [«Շահերի բախման սահմանափակման հրահանգում»](#) / IN 54-01/:

Բանկը գործում է անկողմնակալության, շիտակության, ճշտապահության և Ներդրողի արժեթղթերով և դրամական միջոցներով իրականացված բոլոր գործարքների, մատուցվող ծառայությունների վերաբերյալ վերջիններիս պարտադիր տեղեկացման սկզբունքներով: Ներդրողի պատվերները կատարելիս Բանկը գործում է ելնելով բացառապես Ներդրողի շահերի պաշտպանությունից:

8. Տեղեկատվության փոխանակման և կապ իրականացնելու պայմաններ

Ներդրողին անհրաժեշտ տեղեկատվությունը տրամադրվում է հայերեն և անգլերեն լեզուներով, որի փոխանցման ձևը և պարբերականությունը համաձայնեցվում է Ներդրողի հետ;

Ներդրողը Բանկի հետ կարող է տեղեկատվություն փոխանակել հեռախոսային կապի, ֆաքսի, «Բանկ-Հաճախորդ» համակարգի (առկայության դեպքում), ՍԻԲԻԷՆԵԹ համակարգչային ցանցի կամ ինտերնետի միջոցով, եթե Պայմանագրով կամ Կողմերի

համաձայնությամբ տվյալ տեսակի հաղորդակցության համար կապի այլ միջոց (եղանակ, հասցե և այլն) նախատեսված չէ:

Տեղեկատվությունը համարվում է ընդունված, եթե տրամադրումից երկու աշխատանքային օրվա ընթացքում Ներդրողը չի առարկում ստացված տեղեկատվության վերաբերյալ:

Բանկին տրվող հայտ-հանձնարարականները պետք է ներկայացվեն գրավոր տեսքով: Ոչ գրավոր ձևով Բանկին տրվող հանձնարարականները ներկայացվում են հեռախոսային կապի միջոցով, որի ընթացքում Բանկի ներկայացուցչի հետ հեռախոսագրույցն ամբողջությամբ ձայնագրվում է:

9. Այլ պայմաններ

Ներդրողը հավաստում է չտրամադրել Բանկից ստացվող տեղեկատվություններն այլ անձանց կամ կազմակերպություններին՝ առանց Բանկի հետ հատուկ համաձայնության:

Արժեթղթերում ներդրումները երաշխավորված չեն ավանդների հատուցումը երաշխավորող հիմնադրամի միջոցներով, բացառությամբ օրենքով սահմանված դեպքերի:

«Կոնվերս բանկ» ՓԲԸ ինտերնետային կայքում՝ www.conversebank.am կարող եք ծանոթանալ այլ ներդրումների պայմաններին, օր.՝ բանկային ավանդներին: